



1994

21. A la **Sociazion Culturâl** **«Mestri Rodolfo Lipizer»**

Sustignuda da la prof. Èlina fia dal Mestri e
dal prof. Laurinz Qualli
«Premi San Roc» pal 1994

A' son tornadis li' fueis a colâ
e li' stradis a impiâsi di colôrs.
Rabuela e vin bon, motôrs inflochetâz,
ufiei e pan di sorc su li' taulis di chist borc.
Fiesta dal Grazie uê, ch'e siera la stagjon
devant l'altâr cun tun premi ben pojât.
Borc San Roc, ch'al manten li' tradizions,
al met in lûs ancja chist an, un benemerit
gurizàn
valadi; na Sociazion ch'è puarta il non cun
ambizion,
di chel mestri presêat specialist di violin,
Rodolfo Lipizer musicist e critic sorafin.
'Na Sociazion, ch'e je' na perla di Guriza,
ch'e spissûla e buta fûr melodiis di paradîs,
ch'e ristora e cjól la sêt, ch'e dà flât
e fâs sumiâ ogni domenia cui conziarz,
cui concors di violin e cui valzers di fin an.
E alora, un biel grazie ai promotôrs
ch'a san sielzi e burî fûr cui ch'al mèrta
sei premiât cul grant premi di San Roc.
E un grazie infin di cûr, a la 'zintila

siora Èlina e cun jê, al siôr Laurinz
dât che insieme cun passion, a' tègnin viva
'za di ains la famosa Sociazion

Borc San Roc, ai 20 novembar dal 1994

Anna Bombig